

# PAPAKILO

[Hawaiian Newspapers Collection](#)[Search](#)[Title](#)[Date](#)[Place](#)[Advanced Search](#)[Translate](#)  
wehewehe.org[Register](#)[Log in](#)[Ka Leo o ka Lahui / 2 May 1893](#)[/ NA KEIKI HANAU MAHOE Ke Kuikahi Panailike A ME Ka Hoohui Aina.](#)

Ka Leo o ka Lahui, Volume II, Number 696, 2 May 1893 — NA KEIKI HANAU MAHOE Ke Kuikahi Panailike A ME Ka Hoohui Aina. [ARTICLE]

[Back](#)

NA KEIKI HANAU MAHOE

## Ke Kuikahi Panailike

—A ME—

Ka Hoohui Aina.

O ke Kuikahi Panailike, oia ke keehina mua o ka Hoohui Aina.

He mau Mahoe keia ma ka hanau ana, e like me Esau a me Iakoba, na keiki mahoe a Rebeka i hanau

ai na Isaaka.

Mamuli no o ka ouli kupanaha i ili mai maluna o kela mau keiki mahoe, pela no laua i hoea mai ai mai ka opu mai o ko laua Makuahine. O ka lopi hoailona ulaula, i nakii ia i kekahi o ua mau mahoe la, oia ke kumu i maopopo. loa ai ka hanau mua kaikuaana, a kaa-wale ai hoi ka muli pokii.

Pela maoli no keia mau mahoe elua, ka Hoohui Aina a me ke Kuikahi Panailike, ua hapai ia laua e ka Makuahine hookahi iloko o na makahiki he nui i hala ae nei, a i keia wa, ua hoea maoli mai no laua a elua me he mau keiki mahoe la.

**E hoomanao ae kakou, iioke o  
na makahiki loihi he nui i hala  
aku nei, i aneane kanakolu paha.  
ua hapai mua loa ia keia opu keiki  
Hoohui aina me Kuikahi Panai-  
like.**

**I ka hoomaka ana o ke kuakoko  
o na manao pakaha o ua poe Mika-  
nele nei; o ka Hoohui Aina ke kei-  
ki mua i hooa mai; Ia wa, ua naki-  
naki ia aku la ka lopi ulaula ma  
kona pua-i a paa; eia nae, mamuli  
o ka ikaika ole o ke kuokoa. ua  
emi hou aku la oia iloko o ka opu o  
ka makuabine, a ia wa, ua oili wa-  
le mai la kona pokii mamua, a ha-  
nau e mai la ke Kuikahi Panailike  
i ka A. D. 1875, a ma ka la 17 o**

Januari 1893; hanau mai la kona  
kaikaina o Hoohui Aina. E like me  
ka makou mea e ike nei i keia la,  
eia no ke Kuikahi Panailike ke ola  
nei i keia wa, a eia hoi na Hoohui-  
aina, ua liki mai nei i keia wa.

E like me ka nui o ka maalea a  
me ka hoopunipuni i hana ia aku  
ai maluna o Iakopa i mea e puni  
mai ai o Isaaka, a lilo ka pono o ka  
hanau mua a nele oia a noino loa;  
pela no keia mau hana hoopunipu-  
ni, imi epa, a Kākina ma i hele  
aku nei e apuka ia Amerika me ka  
olelo ana, na ka Lahui Hawaii la-  
kou i hoouna aku nei, e apono i ka  
hoolilo loa ana aku i ko lakou aina  
a lilo loa no ka manawa pau ole.

E hoomanao i ka hana a keia  
poe e hana nei ia kakou na Hawaii  
a e hoopaa naau ia mea, mai poina  
iki, a puni iki, a hiki mai i ka la o  
ka lanakila.

E kipaku loa i na manao hoopu-  
nipuni maalea a na Mahoe Iatikepa  
o Hana; o lakou pu me na Mīka-  
nele hookahuli Aupuni e noho pu  
nei iwaena o kakou.

This article has been automatically clipped from the Ka Leo o ka Lahui 2 May 1893, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](https://www.papakilodatabase.com/pdnupepa/?a=d&d=KLL18930502-01.....en-20--61---txt-txIN%7ctxNU%7ctxTR-%22hoohui+aina%22-----).